

ATUINARTUQ AANIAGUTINUT NAKUNGITNIT NAUNAIYAQNI



WSSCC

wssc.nt.ca 1.800.661.0792
wssc.nu.ca 1.877.404.4407

Hunauva tamna Atuinartuq Aaniagutinut Nakungitnit (PMI) Naunaiyaqni?



Ilai havakvikmi aaniqnit qanugitni talvani atuinartuq tammaitni hanatyutit atuqtauni tapkununga timinga aktuanit aaniqniagut. Una tammainia havagutmik atuinartukhaq kinguagutluniit iniqat naamaktutlu aaniagutinut ihuaqhautit. Una taiyauyuq Atuinartuq Aaniagutinut Nakungitnit (PMI).

Tamna Atuinartuq Aaniagutinut Nakungitnit (PMI) naunaiyaqtauyuuq tamna aaniagutinut naunaiyaqni naunaigiangi uuktugaqnilu qanuq aktilat atuinartuq nakungitnit. Tamna naunaiyarniq pigiartuq tamaitnik naunaiyaqni tapkuat piyaunahuat titiqat tuhaqhitautilu piqaqtitat taphuma havaktip.

Tamna naunaiyaqni kinguagugutilgit taphumunga naunaiyattiaqni timimun naunaiyainiq aaniqhimayumik kitutluliqak ahii aktuayaulat aaniqtumin.

1. KIA NAUNAIYAQTANGA?

Tamna Atuinartuq Aaniagutinut Nakungitnit (PMI) naunaiyaut havagiya tapkuat WSSC-kut Aaniqtuligiya Uqautyiyi (uvaluniit tapkununga havaktit ahiini nunaqyuaqat, Havaktit Utiqviuniqnut Katimayit-kut (WCB) titigaqtaqhimayuuq Aaniagutinut Naunaiyayit). Tapkuat naunaiyayit taaktit iliaqhimayut havagiyangi nakungittut naunaiyaqni. WSSC-kut Aaniqtuligiya Uqautyiyi tapkuat titigaqtaqhimayut ilaayut tapkununga American Katimayit Inmiguqtunut Aaniagutinut Naunaiyayit (ABIME).



2. QANUGILIURTUT ATUQTITLUGU NAUNAIYAINIQ?

Tamna Aaniqtuligiya Uqautyiyi katitigiyyuq uniqtutinik tuhagakhanik tahapkuninga aaniaqtuliginiqmun qanugitniqnut pityutaniklu aaniqnit. Kinguagut tamna unniqtutit tuhagakhat katitaulgaqtiitlugit, tamna Aaniqtuligiya Uqautyiyi tamna tamaat timimun naunaiyarniq piplugu aaniqnit kitutluliqak ilagiyai havagiyai tamatkirtiughugit timingnut naunaiyainiq piplugu aaniqnit kitutluliqak aktuanit atuqghugit uuktugautit ikpigiyaqnut, hakugiknit, ikpiknaqnitlu.

Tahapkuat uuktutit akhurnaittut havagiyaayutlu pittailinahuaqghugit ihuitlitaikum ayuqnaitpat. Atuqpiartuq taphumunga Aaniqtuligiya Uqautyiyi havagittiagianga timimun naunaiyattiaqni piplugu aaniagutinut naamakni nalaumattiaqtunik naunaiyainiqmun. Naunaiqtaukpat piqagianga atuinartumik ihuillitautmik piplugu tamna utiqviulaq havakvikmi aanirniq, tamna Ihuillitaut Angininga taiyauyuq atuqtauplunilu kititauninut ihuaqtauninut.

Apiqutikhaqaguvit taihimayumik utiqviuniqnut, hivayaqlutit takuyaunikhaqnikluniit taphumunga Pityutmut Maniyauyuq, taphuma ikayugumattialaqtatit.

3. QANUQ HIVITUTIGIYUMIK TAMNA NAUNAIYAINIQ PINIAQA?

Tamna hivitunia taphuma naunaiyainiq piniaq akuniunia katitigini unniqtutit tuhagakhat naunaiyaitturniqlu aanigutiknut. Una atuqpaknirhaq akungani 20 tamnal 60 minitsit.



4. HUNAMIK HANNAIYAIYUKHAUYUNGA?

Una naahugiyuq qanugittunianik aanigutit. Amihuniqhanut naunaiyautit, atugahuaquyauyuq nakhaqnit atuqniluniit tattuqhangittut aannugat.

Attaqat naittut atugahuaquyauyut naunaiyainiqmun aanigutmun aktuanit atpanut timivit qitiqnutluniit.

5. PIQATIQLAQINGA AHIMNIK?

liya, nigualaqtutit qanitagiyaqnik piqatauyukhamik atuqtitlugu tamna naunaiyainiq, tamaptik tamnalu Aaniqtuligiyyi Uqautiyiyi pipkailaguptik. Ilanikkut piyaqaligangat uqaqtimik piyaqaqnia. Una ilagiyaniq ilaulaq ilannaqluniit tamnaluniit tiliuqtaulaq atuqhugit tapkuat WSCC-kut uvaluniit tapkuat WCB-kut nunagiyaqnit.

6. TAKUNIAQITKA TAPKUAT QANUGITNIT?



liya, tapkuat qanugitni taphuma PMI-ngi naunaiyaqni ilaliutiyut WSCC-kut utiqviuniqnut titiqat. Tukhilaqtutit takuninik WSCC-kut utiqviunit titiqat uvaluniit pihimani aayyikkutanik tuyuqtaunia ahianut inungmut, tamnatut taaktigiyaqnut. Uqaqatigilugu Pityutmut Maniyauyuq pikpat una piyumagukni tukhiaqnia.

7. NAUNAIYATQIKHAQTAULAQINGA?

liya, aanigutit ingattaqat pilaqtutit naunaiyatqikhaqtauniqmik. Hivuani naunaiyatqikharniq havaginiahaqnianik, tapkuat WSCC-kut piyaqaqtitai aaniagutinut titiqat taaktiknit unniqtuqni tapkuat ahianguqni aanirniqnut taimangat hivulliqmik naunaiyaqnia PMI-giyat.



8. PIQATAUYAQAQINGA TAPHMINGA PMI-NGI NAUNAIYAQNIT?

Piyumangilaqat tamna PMI-ngi naunaiyaqni, kihimik tapkuat WSCC-kut pilaitniat naunaiqaqnik pilagiakhat ilaitnut WSCC-kut ihuaqutai kivgaqtutitlu. Tamaitnut pittailingitnit piyalik nakuuniqpanik qanugitnikhanut.

9. QANUGILIUQNIQA KINGUAGUT?

Kinguagu PMI-ngi naunaiyaqnit, tapkuat qanugitnit tuyutauyut Pityutmut Maniyauyaqnut.

Piqaguvit PMI-ngi, utiqviunit titiqat nutauyut tapkununga Havaguiqhautit Havaktiuyumun aulatauvaliqnikhainut. Tamna Havaguiqhautit Havaktiuyuq naunaiyaiyuq taphuminga PMI-ngi aktilangit kititaunitlu havaguiqhautit ihuaqutitit. Tahapkuat ihuaqutit unniqtuqtauyut titiqami tuyutauyuq iliknut talvanga Havaguiqhautit Timinganit. Pituqaqat titiqatit nutaunit havaguiqhautitlu kititaukpat, tamna Havaguiqhautit Havaktiuyuq unniqtulaqta tapkuat atulat atulaqnit.

10. PINIAQAT AULAGUTIT UNNUIVITLU HINIKTAQVIT AKILIQTAUNIAQAT?

Naunaiqtaukpat piyaqaqni, aulagutit hiniktaqvitu akiliqtutit akiliqtauniat tapkununga WSCC-kut. Nalupyakkuvit hunat akiliqtutit akiliqtauniagiangi, tugaqvigilugu tamna Pityutmut Maniyauyagiyat uqaqatigiyanga uuminga hivuani ihuaqhaqnik kitutliqak aulagutikhat.



11. PINIAQAT WSCC-KUT AKILIQTUQNI AULAUMANIGA HAVAKVIMNIT ILAUYAMNI?

Ikaqniliugakhatit tammaikpata ilauyami taphuminga naunaiyarniq, tapkuat WSCC-kut akiliqtuqta ihuaqutit ikarnikhat atungitninut.

12. HUMITPILAQINGA TUHAGAKHAVALLIQNIK TAPKUNINGA PMI-NGI NAUNAIYAQNIT?

Piqaguvit kitunikliqak apiqutinik tapkununga PMI-ngi naunaiyautiknut, tugaqvigilugu Ihuaqhaiyigiyat uvvaluniit Pityutmut Maniyauyuq tugaqlugu. Pihimalugu utiqviuyutikhat nappaa nanittigiaqnianik.

